

國

朝

詞

綜

補

國朝詞綜補卷五十一

無錫丁紹儀杏舲詞

周 閑 十六首

劉嘉淑 二首

趙貽珩 一首

趙錫璜 二首

錢恩榮 一首

嚴錫康 八首

姚詩雅 五首

羅定霖 一首

雷葆廉 一首

宗得福 七首

戴廣保 二首

阮世渭 一首

錢 睦 一首

陳錫祺 二首

劉履芬 九首  
補詞

鍾 峻 二首

勞勲成

三首補詞

沈家模

二首補詞

賈履上

二首

周

閑

字存伯秀水人官江蘇知縣有范湖草堂詞

醉花陰

餅子桃花春一樹花裏紅簾暮簾捲小樓高不見相思  
見了渾無語 濃寒十日多風雨苦勸樓頭住昨夜倚  
圓檠親研銀箋替寫銷魂句

歸國謠

殘雨歇小盃龍團香細啜一庭茉莉涼於雪 水晶簾  
子微風揭人幽絕不眠閒看玲瓏月

更漏子  
夜上柯亭

趁官橋喧市火重泊灣頭霜舸疏柳碧夕煙青紅泥明  
水亭 夜三更秋一色誰在空江吹笛風側側月漫漫  
客衣憑檻寒

一絡索

屏葉參差垂暝雪天門靜錦裘空自覆華貂悵不暖薰  
籠冷 清夜酒寒催醒玉釭花凝幾聲鈿笛小樓西卻  
賸我淒涼聽

南歌子  
晚坐水亭

高柳波三面晴槐石一分橫塘蓮葉隔屏門門外小亭

貼水飈斜曛 凭檻紫紅帶開簾動綠塵永紋衫子白  
如銀贏得滿身香氣藕花薰

浪淘沙

酒醒碧天遙人倚瓊簫晶簾不捲畫樓高一夜春寒風  
又雨落盡緋桃 好夢送蘭舸催上江湖銷魂愁過謝  
娘橋橋畔垂楊三十樹樹樹長條

江南好 重泛西湖

垂楊岸人放總宜船幾樹柔條都作絮滿湖春思正吹  
煙第四畫橋邊 流水好蘋葉漸如錢小渚濛濛飄燕  
雨夕陽淡淡渲魚天宿鷺瘦於拳

蝶戀花

花氣溟濛愁幾許  
愁做濃陰淚做廉纖  
雨陰雨尋常朝  
復暮  
彎環綠盡天涯樹  
葉葉征帆江上路  
帆背春潮  
潮背孤城去  
城背高樓當遠浦  
樓頭人背東風語

青玉案

杯心簾底愁無主  
記舊日橫塘路  
也有門前多少樹  
纖桃倚夕垂楊作絮  
一樣春天暮  
年華爛錦誰相誤  
被海水離魂阻  
酒盡宵寒知幾度  
烏烏戍角  
蓼蓼城鼓  
不是高樓雨

祝英臺近

畫簾深羅帳悄人擁繡衾密蠟鳳低扶微暈粉渦赤分  
明見慣殘妝帶些兒病便不似當初時節 兩眉窄生  
生做弄纖愁枕函倚無力還道平常藥力晚來得那防  
一點秋寒者般憔悴就添上可憐顏色

風入松

龍泉山寺

袷衣小隊快登臨飛閣憩芳林炎曦已隔人閒暑弄輕  
飈時覺蕭森瓊扇濃薰花氣畫簾寒鎖苔陰 行厨竹  
裏獨攀尋長晝坐山深瑤窗清簟塵都絕洗觥船門共  
香斟晴砌幽招蝶夢午枝涼試蟬吟

瑣窗寒

軍中夜雨

燭短飛蛾衾疏滅麝枕函空抱零風碎雨旅思較量多  
少記沈沈落花閉門那宵也是春寒峭有鈿箏暖炙金  
尊深酌掩帷雙笑天杪成昏窈祇夢翦涼雲恨浮芳  
草蘊廬酒醒不是當時簾繞倚更闌淒楚萬端亂笳斷  
角都聽到讓歌樓翠帳燈紅夜話輪年少

瑤臺第一層

登吳山大觀臺

獨躡層霄淩絕頂蒼茫萬古情亂峰橫疊長江低瀉鳳  
翥龍騰霸才餘子盡賸舊時衰草荒城莫閒眺對吳天  
霜冷越樹潮蒸誰登廢臺千尺瘦筇直上石峻憎我  
來遲暮寒雲落雁斜日飛鷹御風如可去會散髮便向



東瀛濯塵纓看三山樓闕倒映空青

催雪

富陽道中

煙淨平川潮斂古津歷歷行舟似豆正掠水帆雙試霜  
秋九穩數征程百里看夾岼西風吹烏柏遠天若拭羣  
飛野鴨鼓鳴孤堠回首眺憑久只此日江山未應非  
舊歎霸業銷沈伯符何有留得赤亭一片尙照我篷窗  
盈樽酒問過客來往停橈識取少年曾否

金明池

泛舟鑑湖

梅漲搖晴麴塵沁碧越鏡盈盈清曉流水外涼衫乍試  
從三兩鷗邊催棹趁蘋風雁齒橋頭正掩映紅艣烏篷

都好看細帶牽蕤柔波縈柳十里煙波深罇笑乞君  
恩問賀老算一曲湖光幾番吟眺芳津遠舊經行處零  
落徧渚荷汀鳥便春來有約湔裙已浣影人歸翠眉空  
照牋畫裏斜陽花閒雙槳獨倚瓊簫吹到

劉嘉淑

字斗山石泉人貢  
生官江蘇知府

奪錦標

友人囑題明僅小錄

茗水新詞燕臺舊譜瞬息烽煙如許多少雲鴻失侶捫  
蝨空談聞雞起舞望蓬山路隔拚尋箇桃花深處忽憶  
他玉冷香溫爭忘永輪碧宇偏是癡情難阻芍藥櫻  
桃老卻風流張緒余亦浮沈海國杏薄紅綃柳縈青縷

算十年一夢似商婦訴愁湓浦問誰歌天上霓裳叫破  
巴山夜雨

趙貽珩

字子琴台肥人官同知有影梅詞

蝶戀花

十幅蒲帆風力飽浪跡天涯塵夢何時了葉落霜寒江  
樹老荒荒野渡餘殘照欸乃聲中虛散早隔浦漁歌  
惹起愁多少指點吳山煙景好征鴻此際飛應到

趙錫璜

字子鶴合肥人官知縣有倚筇詞

長相思

風聲聲雨聲聲風雨聲中笛韻清愁人短夢醒花盈

盈月盈盈花月盈盈無限情憑闌獨自吟

點絳脣

南陵道中

落葉蕭蕭馬蹄雜沓陵陽驛盾磨矛折有客新投筆

仗劍從戎不怕關山隔烽煙逼幾聲簞策攙入離亭笛

錢恩棨

字芝門鎮洋人官知府

虞美人

半生不合江湖寄諳盡相思味相思何處不魂銷越是  
江南越是夢迢迢天涯好夢頻回首俊侶都依舊且  
緘後約付歸鴻留箇烟波深處住吳儂

嚴錫康

字伯雅桐鄉人官江蘇知府有餐花室詞

南歌子

春日

山色凝遙翠波光映淺沙蔚藍天遠綺樓遮樓外幾株  
楊柳閒桃花簾捲蝦鬚重闌圍卍字斜春風此日到  
天涯恰有一雙輕燕語窗紗

虞美人

東風吹得韶光老花事闌珊了愁多忘作餞春詞春去  
春來只似未曾知畫樓西畔斜陽暮依舊無人住欄  
杆倚遍鳥聲酣除是相思不唱望江南

蝶戀花

大明湖夜泛

月到天心涼若許縹渺波光彷彿西湖路堤下輕烟堤

上露銷魂多少垂楊樹  
六柱紅船搖櫓去短笛聲聲  
驚起閒鷗鷺萬柄荷花圍隔浦一篙刺入花深處

浪淘沙

舟泊揚州感舊

杜牧再來遊無限  
牢愁江頭才報陣雲收  
廿四橋邊人不見  
賸了閒鷗  
風雨泊孤舟  
何止悲秋樓臺歌舞一時休  
從此二分明月好不數揚州

百字令

白桃花

劉郎去後問誰留  
一種天然素質玉樣精神  
珠樣豔非復舊時顏色  
姑射丰姿雲英容貌  
迴與塵凡隔蝶魂何處醒來應感今昔  
記取樂府年年洗紅爭唱唱徹瑤

臺月編素文君春影瘦盡把穠華收拾同此嬋嫣偏甘  
冷淡雋品誰能及對門人去蒼苔已斷行蹟

滿江紅

詠火輪船

巧奪螺舟滄瀛外西來覬譯宛瑤華八駿飛行無迹遲  
速不隨潮上下往還那管風南北笑馬當一夕送輕颿  
誇神力 鬻釜沸烟浮黑輪轂轉波翻白算枯槔俯仰  
機心難息破浪雄排鷺鶴陣奔雷殷動鼉鼉窟逐蹊烏  
紅浴海東雲扶桑國

翠樓吟

題包子良酒醒何處圖

弄水風輕銜山月落銷魂短長亭候金樽才共倒早惆

悵醉中分手前塵回首漸遠寺鐘聲蒲牢催吼吟腰瘦  
采蕭歌罷幾多傷憊渡口小泊孤篷牘半汀衰草兩  
行疏柳亂鴉啼正急是無可奈何時候幽懷誰剖在斷  
夢迴初餘醺醒後膏騰久一腔離緒更濃於酒

臺城路

渡江有感

片帆飽借東風力長江一望千里白浪滔滔青山隱隱  
勝槩東南無比低徊檣底且自數生平渡江幾次琴劍  
隨身壯遊湖海廿年矣從前樓臺無恙問誰開天塹  
鼙鼓聲起鐵甕雲愁揚州月黯多少英雄戰死蒼天如  
此歎浩劫茫茫甚時能止熱血一腔但憑杯酒洗



姚詩雅

字仲魚番禺人官孟縣知縣有景石齋詞

齋天樂

藤枕

北窗一覺游仙夢依稀剡溪曾到竹簾橫陳桃笙乍展  
也許鴛衾同抱紗幮靜悄恰閣住雲鬢墮釵聲小四角  
寒生一鉤蘿月正相照新涼知道最早夜深常伴我  
詩句幽討瑟瑟裁紅絲絲織翠七寶輪伊樣巧妝臨鏡  
曉看臉上紅霞印來多少怕惹相思淚痕空溼了

謁金門

戊辰春暮

芳草碧又是斷魂時節三月正當三十日春歸何處覓  
烽火遙連河北魚雁沈沈消息午夢覺來香篆直日

斜花影密

滿庭芳

秋懷

鐵馬聲酸銅龍漏澀等閒又是秋深屏山倚徧舊夢渺  
難尋敢說詞工豆蔻少年事回首驚心黃花好蕭疏雙  
鬢華髮不勝簪 惜惜門乍掩蠟銷清淚蛩和愁吟歎  
一官十載人海浮沈蕉萃天涯倦旅家山夢豈但而今  
凭欄望月明如水何處擣衣砧

蝶戀花

浙浙西風吹葉落一味新涼漸覺羅衾薄夢影迷離無  
處著閒愁堆滿闌干角 不是悲秋情味惡似水流年

偷換無人覺何日扁舟尋舊約五湖歸計休耽閣

羅定霖

字雲芙徽州人官廣東知州有雲芙詞

鳳凰臺上憶吹簫 題海山女史唾絨詞草

淪雪靈根拈花妙悟仙人原自聰明羨裴航清福得配  
雲英深院簾櫳風靜調宮徵雅協雙聲嫣然笑繡絨唾  
罷綿段裁成 遊行鯨帆駕穩看灩海波濤都助吟情  
乍乘鸞人遠閒了吹笙應把春風詞筆留待證脫釧前  
盟又無奈天颺送寒吹上玉京

雷葆廉

字約軒婁縣人官訓導有蓮社詞

齊天樂

題王叔彝沿波舫詞

中仙詞格高千古寥寥有誰同調  
擲筇梅邊修簫月底  
寫出綺懷多少前遊未杳  
記吳苑春濃白門秋老更憶  
西泠滿堤煙柳共吟嘯  
尋詩申浦又到昔年金粉地  
都鎖殘照劫歷紅羊  
念澆綠蟻無那幾回憑弔  
饒歌奏了  
恰烽火初收陣雲全掃  
花外餘音一編留舊稿

宗得福

字載之上元人  
官浙江知縣

虞美人

梨花瘦盡東風嬾粧  
竟高樓晚一春能有幾  
清明怎奈  
雨絲風絮不勝情  
嫩寒輕煖憑誰問  
消息應難準  
假饒眞箇不歸來  
何事初三下九費疑猜

生查子

羅幕夢初醒  
寶鼎沈香爇  
低下水晶簾  
悄繫流蘇結  
已是踏青時  
錯過燒燈節  
盼盼不歸來  
再拜樓心月

菩薩蠻

寄聽雨樓主人

鴨爐初暖沈香屑  
流蘇倒綰同心結  
特地兩消魂  
春衫聚淚痕  
鼠姑花半謝  
人去春歸也  
風露不禁寒  
星辰昨夜看

浣溪沙

覆額妝成墮馬鬢  
盈盈樓上卷簾看  
杏花消息報春殘  
淺碧眉兒新月豔  
研紅衫子晚風寒  
爲誰凝盼倚闌

干

高陽臺

孤山寒梅歷劫不花扁舟樣訪淒側久之

寒浦棲烟疎林凍影西湖春意淒迷昨夜東風何人載  
酒相攜吟邊幾度吹橫笛甚冶游不似當時最消凝冷  
月巢居殘雪蘇堤一尊欲酹逋仙問只夜來倦鶴瘦  
影襴襪劫歷華髮空山玉珮遲遲揚州官閣休回首怕  
翠簾冷壓雲低便新妝染就宮黃誰賦新詞

玉京秋

秋聲

深夜醒蕭騷起何處動人幽省畫角吹殘一燈顫壁寒  
蟲低詠遲暮羈懷怕訴賦商音愁思都并誰同聽四弦

彈徹負伊芳訊 塞上雁歸無信問消息銀河耿耿翠  
被鴛衾眠香正穩篝機催枕簷鐵聲涼正永夜霜落天  
高人靜波千頃風漾疏簾清影

沁園春

恨

耿耿芳心欲訴猶銜低徊寸衷怕啼鶯太早催殘好夢  
狂風昨夜落盡深紅嚙臂非盟斷釵無誓一點靈犀兩  
不通人何在隔蓬山萬里何日相逢 春濃常病惺忪  
算志比天高命不同念綿綿不絕歌吟白傳幽幽誰語  
賦擬文通有色無香將開又落幾度花前唱懊儂生憎  
處要詢郎踪跡阿母喁喁

戴賡保

字勉齋元和人官浙江布理問有小石山館詞

摸魚兒

留別王叔彝

最難堪征帆促掛匆匆幾度杯酒當筵顧曲尋常慣底  
事爲他眉皺攜素手約抱到琵琶淚莫沾襟袖情牽岸  
柳算絃扇題詞楹聯贈句聊把怨懷剖因緣好三月  
申江聚首相逢萍水非偶同方殊客情何洽難得心言  
蘭臭君聽否道如此良宵風月休孤負重來許有料飯  
熟胡麻桃開爛漫風景總如舊

百字令

題沈竹齋室阮媚川夫人詩詞遺集夫人爲文達公元女孫有橫琴坐月圖

瓊簫聲咽判相逢再世秦臺恩眷一種閒愁無著處落



葉半庭吹滿月冷蟾光琴寒鳳軫好夢如烟軟玲瓏閣  
小石邊簾影初卷誰念冰雪聰明華年廿四花信風  
吹斷縱有零繖遺墨在難補芝芙夢短淚灑啼鵲魂悲  
化鶴同抱青山怨選樓何許恨他天遠人遠

阮世渭

字肯堂山陰人  
官江蘇典史

摸魚兒

題徐誠庵大令詞稿

惜詞場幾年縈惹一襟荃恨如許春花秋月原多感聊  
寄酒歌琴譜情萬縷幸不似司勳惆悵成遲暮心期未  
阻羨紅袖裁箋紅腔製曲簾底小紅度龍山會多少  
芳儔俊侶而今漂泊何處羣雲拂拂聞猶現可惜綺時

卷新詞臨風悵觸搔首黯無語

睦

人

徐誠庵大令見示荔園詞倚此奉題

最傷懷感時塵夢平生幽鬱誰語紅牙按拍垂楊岸遙  
聽朗吟飛度休悵阻正縹緲新聲參入蠻洲譜扁舟此  
去任圓泖尋煙靈巖寫月清興訂鷗鷺閒中好只有  
姜張伴侶芸編堪遣愁緒浮沈宦海今何似出岫片雲  
留住神會處儘永夜敲金戛玉香添炷知音罕遇但花  
舫簫聲石林琴韻低唱效眉嫵

陳錫祺

字彬之昭文人官布政司經歷有梅影庵詞

浪淘沙

雁

幾陣鯉魚風吹到賓鴻天南歸燕可相逢卻笑半生棲  
宿慣蘆荻叢中秋色小園紅細雨溟濛平沙一曲奏  
初終我有相思人在遠目斷長空

綺羅香

黃葉

遠映斜陽微籠淡月簇簇疎林如綺歸棹江南酒熟那  
家村裏正一年好景無多儘領略新橙風味妒霜楓猶  
帶嬌紅寫將秋意勝春意秋光今已似水欲問東籬  
傲菊殘英餘幾古寺天寒僧衲補成還未更何人寄恨

題詩可代得硬黃牋紙看長堤衰柳淒迷隴雲吹萬里

劉履芬

字彥清號柳生江山人  
官江蘇知府有鷗夢詞

蝶戀花

幾日游蜂飛絮趁乍見生憐憔悴春人鬢過後韶華如  
玉葬天涯何處尋芳訊道是愁多蛾綠損別夢依依  
雙頰添朝暈亂捲珠簾風有信奈他燕子無憑準

齊天樂

孫月坡贈詞有惜別意賦此奉答卽題其  
聽舫詞後

江湖吟鬢星星白前游不勝酸楚露近蛩涼雲遙雁瘦  
聽否蓬窗疏雨淒涼夜午只喚起愁心幾聲柔舫呢唱  
雙鬟載儂簫管那邊去垂楊多分惜別已遮來不見

何況煙樹夢被愁分眉緣酒放醒也模糊爾汝離踪四  
五歎烽火鄉關暮年詞賦怡有新詩翦燈人寄與

點絳脣

崇川客舍

影事休提閒來只共冰蜨伴無人庭院獨自經行徧  
花下蒼苔花外東風軟歡愁判一春腸斷盡日鶯千囀

臨江仙

繡戶閒扁金屈戌心香愁熱濃春合歡如夢夢如雲一  
絲挑怨緒百種茁情根鳳泊鸞漂都有恨錦衾還倩  
儂溫落梅風裏整銷魂畫樓人獨自微雨又黃昏

長亭怨慢

秦淮枯柳和月坡

又風裏楊花吹盡歎息沈埋六朝金粉便做瀟瀟畫船  
聽雨繫無分暮笳聲慘還偷伴淚煙緊不待訴飄零早  
耐了寒鴉如陣愁損記清秋蕩槳慣惹翠消香褪江  
關戍火怎留得少年青髻任想到載酒評花已孤負天  
涯芳訊儘夜泊歌闌常共離鴻緘恨

### 高陽臺

燈炮蘭紅鑪熏柏紫薄遊漸少歡蹤相見無多因甚別  
也匆匆天涯容易成回首有斜陽都是愁紅悵迢迢天  
末音書三兩征鴻垂楊見說今憔悴恨浮萍墜絮難  
繫驕驄重展嚙蛾可憐三尺青銅崔微卷裏應腸斷爲

眞珠密字鈐封黯魂銷細雨船窗歸槩吳淞

憶舊遊

題弟郎峰耕釣卷子

是鳴榔款夕倚杖貪晴百事消除冷落家鄉夢記溪山  
深處有箇吾廬舊時數間茅屋今日想荒蕪任歲歲情  
牽些些景好且讓樵漁何如買田住繞丙舍門邊親  
蒔園蔬更莫求名了對三峯無恙中隔菰蒲趁著小船  
撈去收過一冬租倘憶我征程連天雨雪剛跨驢

疏影

秋感

西風起矣問征鴻此去書到曾未算不分明輕暖輕寒  
又是者般天氣梧桐瘦減年時影便寫就相思誰寄想

曲闌一半愁凝倚了，  
可堪重倚。孤負青山入畫，  
倦妝無氣力。眉暈消翠，  
任爾天涯願作扁舟，  
莫作無情江水。芙蓉也有三生恨，  
怎怪得玉容容易悴。賸宵來，  
帳望銀河，幾點冷螢斜墜。

鍾

峻

字仲山，海甯人。官四川成綿龍茂道。有敬承堂詩稿附詞。

如夢令

題醉蝶圖。應瑞仲文。中丞囑時東南兵氣方銷。

莫是太常仙吏也，  
愛翹生風味。栩栩復依依，  
來向尊前遊戲。堪記、堪記，  
恰好春回大地。

謝池春

送沈鐵吾之詔安幕

大海萍踪難得天風吹聚，  
正相期好春長駐。怪底驪歌



又催人遠去悵何時重聽夜雨  
鳳泊鸞飄漫說鵬程  
久阻喜從今鴻毛順遇愧我年來枉聞鷄起舞最愁聽  
鵲聲淒苦

勞勲成

字介甫桐鄉人官江甯藩倉大使

清平樂

題金織織女史瘦吟樓遺硯硯乃手製背有自寫小影

繡襦甲帳寫韻供清賞彷彿葉家眉子樣多箇薰香小  
像 蛛塵重拂瑤奩墨花和淚猶黏腸斷瘦吟樓畔一

鈎眉月初三

八聲甘州

大名城北蓮亭面城枕河荷塘十餘里北因水涸游屐漸稀僅黃蘆髡柳矣

渺滄波十里繞城隅煙景豁詩眸看閒亭欹水陂塘占

斷無限清幽結侶尋秋閒眺重訪舊沙鷗指點西風裏  
殘照當樓莫問闌紅一舸歎花香人影往事都休剩  
枯蘆衰柳蕭瑟滿荒洲最難堪塞鴻啼處觸離懷卻憶  
故園秋倚闌望南雲千里空惹閒愁

霜葉飛

自題霜林覓句圖

錦霞千樹江南路銷魂秋色如許少年綺思愛題紅貯  
滿詩囊句正十里斜陽延伫玉驄催曩征鞭去歎幾載  
風塵早塞柳霜痕吹點疏髻青縷縱使賦楚吟湘誰  
能慰取天涯芳草遲暮畫圖頻展舊冰綃欲共青山語  
問當日楓人桂父幽盟待我重尋否倚玉簫譜鄉愁水

遠雲昏斷鴻何處

沈家模

字芙江嘉興人  
官吉州吏目

減字木蘭花 題金纖纖女史瘦吟樓遺硯

春閨吟讌幾度蘭釭深夜翦鶴背風寒鏡裏芳姿石上看  
新詞題贈秋水空憐妝影靚樓外垂楊眉樣依然  
鬥畫長

摸魚兒

自題鴛湖夢影圖

繞雙隄柳疏花密鸞環一帶湖水小萼山下無多路指  
點吾家鄉里牽遠思甚生長天涯未識蒹蘆味緇塵盈  
袂祇半枕鐙前吟魂飛越雲樹渺無際 丹青手寫出

鷗邊鷺底冥濛千頃空翠銷魂最不分明處煙雨一樓  
秋意圖畫裏有多少海懷霞想憑誰寄新聲謾倚問何  
日扁舟醉橫漁笛催唱櫂歌起

賈履上

字雲階南漚人貢生官國子監典籍

齊天樂

三餘贅筆言譙樓畫角有三弄傳爲曹子建作其詞云爲君難爲臣亦難難又難創業難守成亦難難又難起家難保家亦難難又難焦君仲梅爲余寫圖因占此解

烏烏淒響誰吹徹蒼涼試翻殘譜斥埃煙昏麗譙月淡  
三疊依稀如訴猶傳舊句算萬事難難莫分今古創業  
成家幾人能記曲中語承平文武享久甚波頽莫挽  
牢破方補列戟門深懸鈴閣覓聽慣沈沈畫鼓誰知調

苦比吹落梅花玉龍哀楚起望遙天候蟲啼似雨

摸魚兒

題王叔彝詞稿

問王郎酒酣拔劍低昂起舞何事世閒多少閒蟲豸鑽  
覓蠅頭未已還有是把繡虎雕龍換了紅蟬字有何滋  
味鎮綠鬢華年黃衫豪客韁鎖被名利 君家世本是  
烏衣子弟天教消受佳麗江山風月渾無價收拾輞川  
圖裏吟管脆更滴粉搓酥譜入鸞箋綺閒愁休記且大  
白頻浮小紅低唱倚醉玉簫底

國朝詞綜補卷五十二

無錫丁紹儀杏船輯

汪孫僅 三首

汪士進 五首

邵建詩 四首  
補詞

戴錫祺 四首  
補詞

馮申之 一首

吳廷燮 三首  
補詞

陸增 一首

朱縉 一首

于源 一首

吳承勳 四首

應時良 一首

吳文通 一首

楊傳敬 一首

楊尙觀 一首

王三畏 一首  
補詞

金珉 一首

顧邦杰 一首

丁崇基 四首

徐鳳岡 一首

錢學懋 六首

陳升 一首

袁銑 一首

張安保 三首

楊韞華 二首

閻邱德堅 二首

郭夔 三首

汪孫僅 字士松長洲人諸生有延秋聲館詞

齊天樂 題劉泖生鷗夢圖

江湖煙月猶無恙年年夢畱人住載酒尋盟浮槎放迹  
最愛溪山深處驚鷗自語怪席帽沾塵征帆挂雨木落  
沙寒爲誰遲滯不歸去 良宵誰念淒哽對孤燈歎惋

人似飛絮別恨依依前游了了消得斜陽幾度門前雪  
鷺正浴罷回頭怨君羈旅歲暮關河艣聲應更起

金縷曲

和劉玉叔秋日感懷即次其韻

荒浦迴潮急倚長亭送人去久又聽秋瑟月落酒闌宵  
深矣離緒渾如疇昔料按拍紅牙無色何似狂歌劉伶  
樂儘鋪箋寫盡生花筆秋意遠付羌笛騷人自是多  
愁客恁匆匆涼颺轉瞬頓教心惻蜂蝶寂寥鈿車香雖  
有繁絃何益只舊約尋山堪必且放扁舟蕭疏處撫瓊  
簫不管聲淒瀟霜漸緊理刀尺

摸魚兒

寒柳



指斜陽寂寥門巷寒煙千縷如水凝妝愁倚西風裏顏  
色十分憔悴秋老矣奈尙有柔絲肯把離情繫蕭條若  
此便青粉牆深白門詩好相對少歡意 休回想往日  
三眠乍起而今春夢難記殘黃暗綠無畱影溪曲畫船  
猶艤魂斷未算怎慣長堤此日風霜味淒懷漫寄歎搖  
落江潭樹猶多感雙鬢更何似

汪士進

字逸雲陽湖人  
有聽雨詞

菩薩蠻

斜陽深鎖吹笙院呢喃細數雕梁燕燕子尙西飛黃姑  
無見時 銀釭明似晝點滴銅壺漏好夢本來難翠衾

如此寒

齊天樂

燈影

連宵掩卻庭閒月悽悽嫩寒情緒蠟淚全銷短檠乍剔  
是我三更伴侶愁痕幾許儘銷盡光陰做成淒楚擁髻  
屏前舊時還記夜窗語如今往事難省玉壺憑點滴  
長恁羈旅倚壁經年知他受了多少暗風淒雨芳心自  
訴便待得花開倩誰認取鏡裏重逢化相思一縷

南歌子

草色侵階潤桐陰隔院青暮雅嘯罷便無聲只有瀟瀟  
涼雨到三更舊夢風前絮新歡水上萍曲闌幾日拜

雙星試向牽牛花底問歸程

鵲橋仙

幾重煙水幾重簾幙認得舊時雙燕闌干十二遶屏山  
只幾日綠陰遮遍歌聲如許淚痕如許又是誰家庭  
院早知見了便情深卻怎似不曾相見

高陽臺

秋柳

如此飄零幾回風雨秋來又是銷魂舊日飛花柔情付  
與誰論傷心白下重遊地奈登樓已換斜曛謾尋思點  
筆妝臺眉樣無存春前鶯燕知誰在便歌殘金縷駐  
馬難聽折盡長條空餘陌上離痕而今鴉影猶相識但

寒烟流水孤村更何堪  
顚顚江潭眼底人驚

邵建詩

字叶長嘉興人諸生有聽春閣詞

洞仙歌

桃花扇底記芳姿  
曾識三日衣香染瑤席  
甚雲飛洛浦月傍叢臺  
相望處隱約銀灣輕隔  
綠鬟橫髮髻又向

東風舞袖迴鸞弄  
春色無那殢人嬌  
翠玉簾前看一翦  
橫波溜碧祇笑語盈盈  
勝年時  
蕩勾起閒情賦愁今夕

百字令

戴蘭卿繪楊柳岸曉風殘月圖囑題漫倚是解

畫橈繫處正霜天  
清角江城催轉客  
夢依依楊柳外搖蕩  
離愁千點吹髻風尖墮  
林月瘦烟水黏空遠  
長亭回

首望中無限淒黯 何況香絮團雲綠陰弄暝那日閒  
庭院一葉歸帆飛不到枉自天涯腸斷羅袂新寒瓊簫  
舊約幾度芳華晚秋心迢遞倩誰彈入箏雁

一萼紅

匏廬師命題所藏絳雲樓印

暮雲浮早圖書散盡劫火冷重樓蘭燼都灰苔斑未蝕  
小印猶篆銀鈎想前度河東妝閣傍睡絨窗底伴清幽  
蠹簡鈐紅鸞箋押紫纖手萸柔 不與明珠同碎算人  
閒難得好物常畱匣鏤沈檀囊縫古錦甚時珊網重搜  
轉歎惜臨春結綺滿南朝金粉霎時休爭似平泉片石  
名字千秋

蝶戀花

村舍看海棠作

一樹珊瑚誰手種  
桃李漫山未許雕闌共乍捲珠簾雲  
四擁壓簷紅雨花梢重  
不惜銅盤燃蠟鳳酒滿金尊  
少箇雙鬟送鞭影夕陽驄馬控輪他蝴蝶酣香夢

戴錫祺

字蘭卿江都人監生

洞仙歌

有贈偕金改之作

雲鬢髮簪乍晨妝梳就微步香茵韞羅瘦看蠻腰一捻  
抱月飄烟春綽約妬煞雕闌垂柳  
笑桃紅暈頰隔座  
琴心未許人前易挑逗鳳泊自年年可惜名花被塞上  
風塵倂憊聽甚處銅壺漏聲催蚤一枕邯鄲朦朧來又

唐多令

蓮亭晚坐

花氣撲簾旌斜陽放晚晴唱田田一曲新聲十里香雲  
鴛夢煖只少箇盪舟人 闌檻淨無塵茶煙繞髻生點  
波心款款蜻蜓一領蕉衫涼欲透隄柳外水風清

祝英臺近

題沈芷薌夫人月底修簫圖

翠簾深瓊戶悄虬箭夜催轉月子殷勤涼照畫樓滿幾  
回掐徧參差水沈風細儘裊斷鵲鑪香篆 露珠濺玉  
壺冷浸冰心僊音譜清管鳳侶招來雲影墮天半試聽  
嚼徵含商雙聲傳唱伴花外一鐙紅閃

百字令

題沈芙江鴛湖夢影圖

幾行隄柳認落颿亭外絲絲搖碧千疊滄波流夢遠迢  
遞故鄉輕隔蟹火飄星漁燈墮暝菰蔣沈雲黑十分秋  
意是誰濃染綠墨輪與垂釣紅衣蜻蛉小艇長傍南  
湖側隱隱菱歌催懼發涼逗一枝黃笛縹緲樓臺冥濛  
煙雨迷卻歸鴻翼畫中凝睇甚時同著游屐

一枝春

白桃花

淡到無言倚明妝絕似文君新寡芳愁著處幾點淚鉛  
偷灑銀牆掩映記人面那時窺乍重記取天上仙踪縷  
縷夢雲縈惹劉郎甚時歸也怕消磨鬢影吳霜盈把  
相逢一笑不在翠嬌紅姹瓊裾淺露是誰立盡秋千下



休付與輕薄東風玉堦飄麝

馮申之

字雨亭代  
州人諸生

虞美人

旅次遇雪

數聲暮角吹纔罷雪意垂垂下認來爪印太淒迷是處  
玉梅香透畫樓西寒威陣陣衝簾入漏點銅壺咽雙  
輪不惜去程遙準備明朝踏碎萬瓊瑤

吳廷燮

字彥宣海鹽人諸  
生有水仙別譜

珍珠簾

簾影

半窗晴碧花枝裊漏沈沈靜護闌干清曉舞絮撲空濛  
恰正無人到認取湘妃畱瘦影悵隱約楚江波渺深窈

誤苔階一片冷雲難掃 曾記下了瓊鈎蕩玲瓏夜月  
羅衣寒峭不許夢飛來任粉香濃繞約住相思愁未醒  
又畫出銷魂詞稿孤悄問妝樓眉翠映來多少

齊天樂

客寓澄江況味蕭然秋期夕清樽露飲碧天如水新月橫鈎頓起幽思乃作此解

秋聲吹碎梧桐樹雙星夜深應渡駕鵲橋橫穿針院靜  
淨洗銀河風露離愁萬古卻屈指今宵幾時曾誤料勝  
人間鎖年相望此情苦 歡遊重念舊日畫簾呼半卷  
同款纖步翠袖凝香明妝倚玉猶記無人私語心期細  
數甚獨客天涯又成淒楚漫倒芳樽紫簫誰共譜

疏影

春寒料峭芳訊來遲遙憶故園渺兮愁思

山眉翠抹正嫩寒禁暖修禊時節客裏依依敲徧闌干  
吟懷總是愁絕江潭幾樹銷魂柳更聽了陽關三疊想  
畫樓玉豔香嬌舊日燕鶯猶說回首堪憐往事淚痕  
凝去聲扇底應悔輕別解珮何人畱取盈盈不管湘絃彈  
折漫餘一片雲窗夢奈不是當時蝴蝶怕夜深瘦盡梨  
花捲碎一簾明月

陸

增

字秋山平湖人  
諸生有綠蕉詞

百字令

吊湯貞愍公殉難江甯

文章勲業聽聲華早著江南人物兵甲胸中藏十萬寶  
劍光搖寒雪汗馬功高雕龍才大氣宇虹霓接歸田行

樂王湖游賞風月 誰料烽火西來秣陵城陷流盡英  
雄血飲恨偏勞林下客遙拜酬恩金闕和淚揮毫丹心  
一點義重堅於鐵汨羅同志獨存千古臣節

朱

縉字來錫元和人  
甫生有咽咽詞

虞美人

絲鞭遙指長亭近去住全無準生來最怕聽驪歌爭奈  
垂楊綠處別離多 東風吹徧天涯路愁見斜陽暮不  
知今夜宿誰家殘夢依稀一半在梨花

于

源字辛伯秀水人諸  
生有鴛鴦湖上詞

琵琶仙

雨片風絲記那日同泛棠梨艇子生小未解春愁牽芳  
弄蘭芷經幾度金迷紙醉已偷染一襟離思桃葉終迎  
楊枝不嫁似此湖水正遙盼星朗銀潢奈平地風波  
陡然起都恨鸚哥饒舌把翩鴻驚逝淒絕是今宵酒醒  
悵玉人已隔千里祇見殘柳梢頭月痕眉細

吳承勳

字子述錢塘人諸  
生有影曇館詞

桂殿秋

寒尙峭夢初醒煮茶聲裏過清明梅花雪後梨花月淡  
得春光不近情

南歌子

桐露微侵檻梅陰漸染衣靜無人處一螢飛纔度窗南  
又轉畫廊西雲樹牽歸思湖山負夙期黃昏幾點雨  
霏微料得新萍綠過釣魚磯

金縷曲

題黃韻甫帝女花傳奇  
譜明季長平公主事

寫出傷心稿溯當年金甌破碎瓊枝嬌小憑著蕊珠畱  
幻影倏忽墓門斜照有賸水殘山相吊坎坎箜篌聲咽  
絕似宮人白髮談天寶還似聽夜猿嘯風情總被填  
詞惱最銷魂池邊橫笛花開側帽汗滅懷中銀字譜卻  
化棹檀烟裊一樣是承平年少不識悲從何處起作神  
仙痛哭瞿曇笑荆駝感話難了

探芳信

湖上春游繼草窗韻

戀芳晝甚豔語傳歌幽懷泥酒歎倚樓人遠闌干未全  
舊飄烟拖月渾如夢春比梨花瘦最模糊蝶恨瑤階燕  
迷苔甃橋外亂紅驟更心篆凝香眉痕描岫鏡裏銷  
魂敲缺睡壺否玉笙吹徹離宮怨斜照空回首再休將  
畫扇風流問柳

應時良

字笠湖海  
甯人諸生

金縷曲

落梅

鐵笛呼風起  
驀吹殘玉煙一樹化成春水  
記得巡簷曾  
索笑猶是疎枝冷蕊  
忽粉碎香零如此  
老幹已無孤鶴

守牋橫斜影卧蒼苔底還錯認著花未  
尋芳嬾更窺  
桃李想世外佳人嫁了餘皆奴婢悔未當時呼眷屬輸  
與林家處士空悵望滿林青子盼得肥紅非瘦白恐相  
如病渴終難止情與味祇酸耳

吳文通

字穎仙吳江人諸生

摸魚兒

張嘯峰司訓以舊繪藕花香裏填詞圖索題感倚是解

溯當年詞場角逐風流首數三影旗亭樂府都傳徧不  
減蘋洲雅韻峰泖近趁一棹尊鱸載酒時攜艇迴波唱  
暝正水調歌成銀塘清淺秋在藕花頂君今老我亦  
飄蕭雙鬢滄桑舊夢誰省西風吹徹蘋絲冷何處鷗陂



堪隱哀感并縱樂譜中興怕向尊前聽披圖欲問儻歸  
去扁舟烟波無恙笙譜好重訂

楊傳敬

字盜庵鎮洋人貢生

金縷曲

張嘯峰索題藕花香裏填詞圖

倚徧蘋洲譜儘低徊嫩涼池館早秋風露一舸鬧紅簫  
尺八占了嶰汀魚步問拋盡明珠誰數三影才名爭畫  
壁聽菱娃雙髻尊前賭烏帽側翠橈舉 水天我亦閒  
鷗鷺最難忘酒邊風調笛邊烟語莫唱田田湖上曲愁  
絕藕絲千縷有多少斷腸新句寫向研羅團扇底怕空  
房墜粉鴛鴦妒香夢醒碧雲暮

楊尙觀

字譜香錢塘人有  
延秋仁月樓詞

南鄉子

清露下橫塘荷葉荷花各自香三十六雙同命鳥鴛鴦  
生受湖波瑟瑟涼烟柳漸飄黃不是離人也斷腸蘭  
漿一枝帆一片愁鄉沿路風蟬送夕陽

洞仙歌

闌干幾曲在斜陽紅處畫取天然斷腸句甚清明過了  
尙滯遊踪還怕是燕約鶯期又誤可憐春正好若到  
春深纔解傷春便遲暮禁得幾番風楊柳桃花都變作  
綠成陰樹況極目天涯草如烟更杜宇聲聲不如歸去

王三畏

字薊穀錢塘人諸生

疏影

綠陰和張海門作

晶簾細疊似曉烟未散院宇清絕染上蕉衫黏住苔階  
濃雲滿徑披拂闌干十二迷濛處定誤了尋芳蝴蝶便  
嫩涼不是新秋小苑靜無蟬咽 休說紫蛇紅嫣幾番  
過夜雨春事飄瞥斗酒雙柑楊柳樓前猶記聞鶯時節  
斜陽隔斷青山影有一縷碧痕如接最關心悄立黃昏  
踏碎半庭明月

金

珉

字璞生

浣溪紗

題張春槎蝶花樓詞

一卷新詞繼玉田陶情絲竹感中年青衫司馬聳吟肩  
夢蝶醒餘猶栩栩拈花笑處自娟娟風情合愛小紅  
憐

顧邦杰

字蓉屏  
平湖人

百字合

題張嘯峰綠雪館詞

布袍無恙想前身合是秦川公子譜出雅詞冰雪淨嘯  
傲藕花香裏跡話清溪洞探白石何限畱連意拋殘紅  
豆愛他花下能記不學柳膩蘇豪梅溪竹屋標格差  
相似虎阜樓臺鴛水月領略吟邊風味七孔針織六銖  
衣薄別有深情寄眼空流輩只餘蕃錦堪比

丁崇基

字炯哉定海人諸生有璞玉館詞

南歌子

藕香居晚眺

高柳波三面晴槐石一分橫塘蓮葉隔屏門門外山亭  
貼水颭斜曛凭檻紫紅帶開簾動綠塵水紋衫子白  
如銀贏得滿身香氣藕花薰

剔銀燈

吳江夜泊用杜安世體

三月河橋綠水正客棹吳程初試柳繞花圍燕迎鶯送  
難辨尋途天氣清宵無寐喜尙有玉尊頻洗催繫木  
蘭艇子卻繫向津頭沙尾古塔撐雲迴橋轉岸人在碧  
濛濛裏船娘笑指指南去石湖三里

月華清

軍中對月

檀幕天晴牙旗風靜枕江營壘初暮潮滿春濠帳底輕  
寒如冱朗魄映萬里霏烟皓彩散一身零露延佇悄不  
聞夜鵲更無芳樹獨對娟娟三五料燕子瓊闥海棠  
朱戶網徧簾塵冷落珠光流素認舊時涼檻圓暉照此  
夕戍樓人語淒楚看玉繩轉影明星催曙

龍山會

九日

不盡登高興從騎西風簇上羣峰頂四山青欲暝俯危  
閣斜日半闌初凭指顧出重城也一樣丹楓霜冷算添  
將征笳暮響戰旗紅影當年幕府風流聞道中原作

賦都英俊清游空自省按塵帽我已蕭條雙鬢莫放酒  
盃寬金鈴豔黃花初盛但東籬今番又負故園三徑

徐鳳岡

字竹香里  
居未詳

摸魚兒

指亭臺萬梅花裏寒香飛上羅袖劉綱夫婦同遊戲灑  
作墨花如豆雲影皺認玉骨冰肌約略人消瘦昏黃傷  
憊正喚起春魂描將冷豔明月自鋤又孤山畔羨煞  
神仙佳耦文窗終日相守紅情綠意新翻曲分付柳枝  
香口傳妙手看腕底橫斜貌取丰姿秀東風去後憶夢  
醒羅浮詩尋鄧尉清興共擔受

錢學懋

字耐生定海人諸生有珍硯齋詞

荷葉杯

倒瀉碧甯涼酒三斗納涼時隔蘆船笛飛清吹沈醉起  
相思

蝶戀花

酒醒香消天欲曙花外闌干闌外天涯路最是無情江  
上樹重重遮斷消魂處消得春魂能幾度破楚門西  
戎馬書生去去後風懷應細數衫邊淚點燈前語

南歌子

夜月延羅帳秋風到玉牀暗移花影過紗窗乍有蛩聲



國朝詩集卷三十一  
四  
絮夢枕函旁 影隻燈都瘦 心悽漏轉長 金猊煙冷嫩  
添香一摺紅 衾偏要繡鴛鴦

瑣窗寒 本意

畫箔交櫺水紗卮字那家窗戶春深夢瘦逗得峭寒如  
許但濛濛綠陰未消聽來燕子簷簷語怕碧蕉添種涼  
雲低攬一更疏雨 延伫天晴處正六鬢漪痕香浮翠  
互玲瓏四面多少飛花飛絮指東牆殘月半沉翠簾翦  
燭尋舊句賸銅瓶一翦梅花帳角含微素

憶舊游

記維揚佳麗小杜疎狂歲歲嬉春一自扁舟去恨垂楊

萬樹遮斷城闌明月照來瓜步簫管隔樓聞怕廿四橋  
頭珠簾十二但有淒雲難論昔年事早廢苑花埋殘  
壘軍屯況此長江水把南朝金粉流得無痕忍聽秣陵  
來路哀雁叫黃昏讓釣客無愁閒移畫櫺牽翠蘋

霜葉飛

白雲深處人家住停車閒坐林畔滿林紅葉下飄蕭襯  
出斜陽晚早引得秋心都亂西風寒逼如何慣且去去  
還家卻不料柴門舊徑一例堆徧聊復策杖呼童沿  
階細掃翠暈畱出苔蘚未防涼意緊高柯颯颯吹成片  
又眼底黃搖綠眩蘭成衰鬢潛催短並誰信吟情嬾況

復懷人玉關天遠

陳升

字同叔  
寶山人

齊天樂

題蔣劍人綠簫詞

芳蓀采徧相思草年時綺懷難訴鳳紙題香鴛牋寫夢  
都似不情不緒江湖倦旅歎怨瑟空彈騷心多苦漫負  
才華翠蛾顰損感遲暮清音應洗俗耳便零絲脆竹  
何似鷗語病蝶蕭吟哀蟬酸詠都付十三鈿柱知音幾  
許祇賦就湘花些歌悽楚誰贈瑤璫珮環空際度

袁

銑

字薇生  
錢塘人

喝火令

避兵滬上竹畦叔見示詞稿謹次湯雨生  
都督韻

紅豆新詞豔青衫舊夢畱橫塘煙雨足清游彈指十年  
前事海上話閒鷗顧曲人猶記披圖我欲愁念家山  
破淚難收不是西湖不是秣陵秋不是斷腸詞客莫與  
訴從頭

張安保

字石樵儀徵人諸  
生有晚翠軒詞

浪淘沙

煙水太迷茫雨驟風狂十年飄泊在他鄉遙指扁舟歸  
去路蘆荻淒涼幾樹瘦垂楊漸換輕黃西風瑟瑟做  
微霜征雁一行飛過去畫裏瀟湘

菩薩蠻

茫茫水氣蒸如夢  
瀟瀟雨滴孤篷重  
何處是煙村家家  
都閉門  
蘆花頭已白  
楊柳眉餘碧  
暝色易黃昏  
西風愁煞人

長亭怨慢

秋風淒厲湖波渺然雨泊荒村百憂交集爲譜此解

頓嘗盡飄零情緒  
蓬背瀟瀟漫天寒雨  
被冷無眠五更  
心碎向誰訴  
倦游詞客  
禁不起長驕旅況  
一葉扁舟怎  
載得離思千縷  
薄暮望湖天  
綿渺賸有幾株疎樹  
燈昏酒冷  
一彈指故人何處  
願化鶴振翩君前  
怕沾溼離  
襪雙羽縱說與知音  
誰識此時心苦

楊韞華

字穉筠元和人監生有藥花節詞

臺城路

題七姬權厝志七姬者張士誠厝潘元紹妾明兵圍城七姬先就縊志爲張羽作

齊雲一炬三興圯可憐盡成焦土苑草春蕪官槐秋落  
消得斜陽幾度霸臺何處賸蕭瑟城隅野棠風露猶有  
昏鴉夜深啼上七姬墓 虞兮心事誰見歎楚歌聲裏  
幽恨如訴航海謀疎投戈計拙應負紅閨兒女題碑人  
去怕弄玉魂歸更愁鳳侶鬱鬱青山珮環徒共仵

浪淘沙

過嚴間樵寓飲酒方酣驟雨忽至客咸欲歸問樵舉杯屬余曰雨也聽聽話也聽聽予賞其語爲拈是解時問樵將游浙中良會不常旅懷易感不能不黯然於二語云

雲起晚風生吹到秋聲兩三愁侶一孤檠且莫停杯提  
近事雨也聽聽 無定是前程重起離情天涯何限短

長亭難得清歡今夜永話也聽聽

閻邱德堅

字薊莢  
上海人

南鄉子

竹雞

撇卻碧琅玕束縛樊籠意可堪幾度驚殘槐蟻夢單寒  
怯向西窗竹影看毛羽鷓鴣般鸚鵡當年共一山趁  
曉頻呼泥滑滑艱難棧雨蠻烟訴不完

踏莎月

月夜渡浦

劃破玻璃輕移舴艋波光倒浸蟾光冷沙灘一色白如  
銀閒鷗夢穩呼難醒不奈離懷倚舷愁聽棹歌隱隱  
來漁艇海門潮落掣於梭蕭蕭颭斷蘆花影

郭

夔

字堯卿江都人諸生有印山堂詞

湘春夜月

怕登樓這時還甚勾留記得日日雕梁都捲上簾鉤乳燕幾時飛到漫等閒來去幾度春秋算定巢已晚空拋綺語鸚鵡前頭通幽曲徑西家占斷空自凝眸望望紅牆惟帶有一條河漢時近人流笳聲更惡送玉簫聲斷揚州怎化得那沙鷗海畔朝朝訴與天末離愁

長亭怨慢

和李冰署橫塘春雨曲

正門閉娟娟清涵幾日東風綠波吹縹燕子來時一襟芳思怨楊柳春知離苦人還爲傷春瘦暗地踈長條莫



認著腰肢依舊 回首問伊家何處記得艤橈時候  
雲夢杳儘閒煞畫屏深畫算只是冷雨淒煙又寒食清  
明孤負鎮病裏相思慵採江南紅豆

玲瓏四犯

書友人越中歸棹詞後

入剡興闌觀濤秋晚長畱鴻印千里酒痕襟上染指點  
空心醉湖山付誰料理算看來故鄉無此三月煙花十  
年塵夢回首倦游矣 天涯曠懷孤寄想君應笑我空  
自凝睇杭州君說與約略新聲裏餘音暗繞柯亭路欠  
彈入高山流水爭喚起吳孃教吹簫月底

國朝詞綜補卷五十二

國朝詞綜補卷五十三

無錫丁紹儀杏舫輯

關達源 八首

張振凡 一首

張振芬 二首

江鳳笙 四首

徐大勲 一首

謝德醇 一首

曹毓秀 七首

王叔釗 一首

劉觀藻 八首

王汝玉 二首

吳樟 一首

鍾景 九首

周元豹 一首

汪惠生 一首

蔣敦復 十六首

關達源

字海雲漢陽人  
諸生有琴心詞

臨江仙

壬子秋挈家東下明日入江西界矣

江上鷗盟易散花間蝶夢難醒青山休笑片帆輕西風  
吹落葉消息不堪聽回首武昌楊柳絲絲都繫離情  
有誰相送短長亭今宵篷背雨猶是故園聲

高陽臺

亂後晤陳心泉表丈於琴川署中悲喜交  
集蒙以解連環一闕見贈倚此奉酬

驚雁孤飛華星四散重逢知在何年竟許重逢天公也  
算垂憐楊花已分沾泥老謝東風吹度春煙寄浮生縱  
是飄零猶傍吟牋江南治譜傳衣鉢看一車甘雨又  
灑琴川舊燕營巢淒涼還到堂前故園夢斷斜陽冷寫

秋心難寄纏綿目同敲却外枯棋好月將圓

齊天樂

枯柳和陳心泉表丈

板橋流水無人到空枝爲誰還賸老去心傷愁來骨立  
不似靈和丰韻風流頓盡縱盼得春歸返魂難定別院  
繁華一般塵夢幾時醒當年翠陰萬縷那堪搖落後  
重繫孤艇綺障都消情根自懣隔世纏綿休問西風又  
緊便吹作橫槎度人應肯且伴焦桐短篷今夜冷

洞仙歌

琴川訪舊小住經旬明日行矣顧夢薌寫  
辛峰一角見貽感而賦此

翠岑幾疊有閑雲曾住認得鸞環畫中路嘆重來倦客  
百感蒼涼第一是怕說青山如故故人知此意偏向

燈前寫出娟娟舊眉嫵剛道不看山明日扁舟翻載箇  
峭峰歸去笑結習平生最難忘早預約秋期屐痕同補  
憶舊游

重過鴻嘉館追懷婦翁洪稚威先生兼贈雲樵西丹兩兄

記飛觴醉月借幄圍春曾咽瓊簫一片門前水有廿年  
別夢還趁迴潮夕陽獸環重叩寒碧掩蓬蒿嘆玉塵談  
元金錢結客誰料今朝今朝倚闌處剩衰柳絲絲瘦  
到難描喚醒花間蝶數當時鷗鷺幾箇雲霄莫盼故人  
消息咫尺比天遙又畫出淒涼雙雙燕子尋舊巢

水龍吟

白蓮

玉妃參破情禪幾絲紅豔全消盡前生記否謫居還住

瑤池千頃舞罷霓裳亭亭獨立淒清自省問洛川人去  
明璫素襪誰共踏玻璃冷 早是霜高露靜瀉瓊瑰芳  
心暗警銀河夜悄月華欲墮鴛鴦驚醒便化涼雲可憐  
難掩冰奩秋影又遠香吹到非空非色向如來證

疎影

乙卯新秋重游吳下孫月坡倚此調賜題琴  
心詞並出示大著依調奉酬

臨汀夢悄趁暮潮半尺吳苑重到冷透琴心拚不吟秋  
又遇孫登長嘯最憐滿袖離騷淚化一片美人香草間  
鬢邊如此霜華換得幾篇殘稿 應是瓊臺謫墮自歌  
太古雪凡豔都掃愧煞么絃孤負成連許附天涯同調  
新聲別有滄桑感且莫被小紅知道怕洞簫不蕩羈愁

卻把碧天吹老

張振凡

字瘦峰江  
蘓華亭人

齊天樂

蟋蟀

半閑堂已埋荒草淒淒聽來如訴籬角煙凝牆腰月冷  
一片清音酸楚悲涼繞戶似名士當秋驚心遲暮夜靜  
苔堦聲聲達旦甚情緒西風時捲落葉更丁東鐵馬  
秋意交作去旅館燈孤繡幃夢醒應觸閑愁無數欲啼  
又住笑狎客多情頭銜爭署攜入歡場鼓旗誇對樹

張振芬

字潛香江  
蘓華亭人

月中桂

秋夜

碧淨長空正多情月移桂影侵檻回廊曲折護繡簾三  
面纖塵難染細風通小徑逗一縷天香澹澹淒切蛩聲  
碎西窗聽罷還自倚疎簾 騷騷樹陰相撼歎清光滿  
眼舊事多感鑪煙篆裊聽隔牆琴韻銅魚深掩夜闌零  
玉露冷屋角殘螢數點對景清愁積腰肢那堪和帶減

金縷曲

深院清如許透湘簾商飈拂拂漸消炎暑金井乍飄梧  
桐葉愁聽瀟瀟細雨更砌角寒蛩淒楚漸近黃昏饒惆  
悵看秋雲淨捲無纖縷涼月色照花塢 簫聲斷續來  
何處倚闌干徘徊半晌儘添清趣愛惜海棠儂心事紅



影一枝帶露渾不減三春眉嫵小立一回香飄散悄無人相對花無語蓮漏盡去還佇

江鳳笙

字韻樓長洲人諸生

點絳脣

不爲春愁只愁人似春將老繁華多少花事匆匆了

幾疊屏山幾折紅牆繞憑樓眺依依斜照鎮日無人到

臨江仙

客居剡中歡懷頓減吳中諸友益往來於懷

行盡越溪溪上路四圍空翠煙蘿夕陽山外亂雲多暗  
凝望眼鄉思又如何溪水潺潺流不盡野花零落山  
坡柳陰陰處幾經過悄無人跡野碓自翻波

雙頭蓮

剡溪舟次寄懷吳中諸友

落盡櫻桃又梁燕  
離飛庭蔭晝暖  
羈游誰伴凝望處樓  
外水平山迢迢憶舊侶  
江南便情長書短那更管此際  
思量新詞和愁書滿  
幾度惆悵溪頭甚銷魂依舊水  
流不斷襟塵莫浣又何事離緒  
并成春感應是看取楊  
花道壯游今倦歸未得柳陰深處夕陽斜轉

好事近

檐雨響蕭蕭曉起青山盡失  
那辨霧迷煙繞但雲天絮  
白東風欲露數峰青雲光展晴色  
纔向高樓凝望又

雨絲吹入

徐大勲 字蓮舫

一萼紅 草痕

望平原正鞭絲搖綠不隔馬蹄塵鬢影初侵袍痕似染  
也應憶著王孫問消息瀛洲萬里謝東風吹醒一年春  
看碧離情尋芳佳約都趁晴雲 指點薜蘿遠道只輕  
煙乍抹酥雨纔勻金勒嘶時珠簾捲處已教一例銷魂  
更天外斜陽隱隱認南朝舊恨幾番新最好飛英點綴  
軟繡如茵

謝德醕 字樸齋

金縷曲 喜晤嚴伯雅卽題其餐花詞

萬里華簪聚喜相逢翩翩公子風流如許越水吳山離  
別後消受蠻煙瘴雨都付與蘋洲笛譜室是餐花人是  
玉撥銅琶吟徧天涯句渾不是作蠻語 參軍俊逸誰  
堪侶倚新聲金莖麗集玉田風度綠酒紅牙殘燭畔聽  
到雙鬟唱處料別有銷魂無數如此才華良可惜歎  
郎已被相如誤歌斫地恨千古

曹毓秀

字實甫吳縣人  
有桐華館詞

菩薩蠻

夜深閑倚闌干曲輕紉戲把流螢撲花影上人衣桐陰  
月漸低 水沉香裊細六角文紗閉自起弄冰絃雁飛

秋滿天

浪淘沙

深夜雨潺潺。蝴蝶門關一燈扶影上屏山。不道牡丹開  
過後還有餘寒。香冷鷓鴣斑。心字燒殘愁來無計可  
遮攔。且向枕前尋好夢。夢好偏難。

憶舊游

落梅感舊

正玉龍低咽。粉蝶驚飛。蕉萃春痕。夢斷羅浮路。又雨絲  
風片攪碎簾紋。東君護香情薄。委地碾成塵。剩寂寞空  
枝翠。禽兩兩啼殺黃昏。芳魂渺何處。恁粉褪香消土  
軟苔新。竚立傷心也。悵天寒酒醒。紙帳難溫。幾多翠鈿。

零落空憶墜樓人怕環珮歸來中庭夜月空愴神

高陽臺

春感寄紫荃弟

乞覲箋愁翦燈撚恨絲絲簾幙重遮兩地相思池塘好  
夢偏賒亂離依舊饒煙景看模糊野柳溪花又清明粥  
鼓餠簫辜負年華傷春多半因風雨況曉寒衾枕暝  
色窗紗作客年年饑驅飽咽風沙關河一望煙塵滿聽  
聲聲畫角悲笳最傷心燕子斜陽空說無家

長亭怨慢

見燕有感寄錢芝門恩榮

鎮相對喃喃絮語一樣飄零傍人門戶故壘荒涼杏泥  
零落有誰主似曾相識看來往情如許淒絕望江南但

烽火黯迷雲樹 知否記蘇臺訂約曾把紅絲繫汝梨  
雲易散有多少離情愁緒倦依著一桁疏簾銜不盡天  
涯飛絮只悄罵東風怕送客中春去

又 斜陽

怕重上高樓明處吹澹西風銷魂如許萬古西沉寒潮  
流不到東去霜鐘敲破漸吹近長亭暮一角可憐紅慣  
照出離情無數 回顧認螺鬟銜人淡畫遠山眉嫵殘  
霞散了又幾疊江雲釀雨正一騎零亂鞭絲最苦是天  
涯倦旅羨多少歸鴉帶影飛來荒樹

摸魚兒

脩梅館分題得杜鵑啼血

銷黃昏悽悽咽咽落花枝上尋覓猩紅一片模糊血莫  
辨花魂鳥魄啼正急只喚得春歸不喚天涯客傷心故  
國伴半壁孤燈半窗殘月清影閃虛白淒涼煞冷和  
誰家怨笛聲聲啼徹遙夕不如歸去休相覷等是還家  
未得情楚惻問麥飯何人酹我先塋側烽煙慘隔只熱  
淚斑斑棠梨灑徧併做可憐色

王叔釗

字拙孫長洲人  
有秋棠花館詞

金縷曲

秋夜對月和劉玉叔韻

更漏催何急聽蕭蕭空階葉落併成淒瑟行到中庭涼  
月上喚起飛光似昔望簾底玲瓏秋色爲話前身思玉



局証靈脩一管詩人筆聽奏響洗箏笛 蒼涼我亦悲  
秋客念江頭蘆枯荻冷慣添心惻鳥鵲飛來知甚處燈  
火橫連荆益想如此良宵難必願向庾樓賒半夜只南  
天唳雁聲都瀟砧滿院度刀尺

劉觀藻

字玉叙江山人監生有紫藤花館詞

### 山花子

細雨廉纖曉霧迷小庭風靜幾多時心似楊花飛不定  
有誰知 昨夜夢遊芳草逕今朝人憶小樓西何處笙  
歌聞隱約渺相思

### 洞仙歌

雲愁雨嬾恨舊歡難繼欲覓藍橋路無際算衣香鬢影  
綺夢如仙猶記得昔日桃枝年紀春風門巷裏便遇  
鈿車無奈蕭郎已憔悴不斷是情根縱懣愁根怎懣得  
情根枯外但灑淚晨昏向吳天願此後當筵更休牽繫

淡黃柳

春柳用石帚韻

陽關一曲淒絕江南陌舞罷纖腰風惻惻最是柔枝綽  
約曾記年時夢中識曉鶯寂匆匆眉寒食漸遮了畫  
橋宅算眉痕易老傷春色轉眼看他落花飛絮輸與天  
涯草碧

喝火令

霜風襲戶星月滿庭夢醒更闌短吟成調

寒峭風侵帳宵長月伴燈朦朧又聽漏三更待望茜紗  
牕外渾不異天明別淚濃於酒歡情冷似冰如何好  
夢轉零星記得朱樓記得玉簫聲記得玉簫聲裏一曲  
最忪惺

剔銀燈

燈花

小小青燈燄吐並蒂結成如許繡幙常遮銀釭罷剔如  
意玲瓏堪覩翠鬟低語知明日好音占取人向妝臺  
延伫棋子敲殘無數不似蘭葩不同柳絮易落易開誰  
主東方已曙空留得餘烟一縷

長亭怨

最容易韶光催老舊燕新鶯亂啼昏曉寂寞簾櫳一鑪  
香散賸烟繞紫藤花下花滿地無心掃屈指又今年算  
負卻春情多少 憑眺只閒眠幾日綠遍小庭芳草青  
驄去也人可似斜陽都好恐怕是細雨尖風霎時裏繁  
華過了且漫譜愁懷低唱聲聲孤調

齊天樂

吳丈清如以中秋坐雨詞屬和因次其韻

墨雲千點迷瑤闕沈沈已涼庭院怪煞嫦娥慵開月鏡  
祇有燭花光現憑闌幾轉看星斗依稀半明河漢渺渺  
予懷且將詩酒暫消遣 頻年岑寂乃爾念分飛雁字  
無限愁怨記得從前聯牀聽雨惆悵燕臺人遠

謂兄更

深漏晚待悄望蘭街舊繁華換且約來宵冶游應未緩

醜奴兒慢

懷毛沐齋故里沐齋與余交最深今燕巢無定雁信不來譜此誌感

傷春怨別消盡年來英氣況如此風酸雨苦露泣烟啼  
一樣飄零怕看萍葉漾芳池羈留何處知君近況非復  
當時 幾度聽殘玉簫鳴咽清淚沾衣漫回首花朝賭  
曲月夜絃詩夢斷關河可憐魚雁渺天涯短長亭畔絲  
絲綠柳料也顰眉

王汝玉

字韞齋吳縣人貢生有伴梅花館詞

清平樂

絲絲雨細幾陣飄苔砌柱礎暗潮侵也未做出黃梅天

氣輕雷欲起還停空堦向晚冥冥攔住溼雲一朵逗  
來幾點疎星

青玉案

題翟琴峰梨花院落畫卷琴峰自題閨情似水春含淚燕影如冰月斷魂句意拈此

沈沈葉落朱扉掩看一片冰痕豔如雪梨花千萬點雲  
深疑夢雨含疑淚渾覺春光減遙知鄰女眉痕斂玉  
燕雙飛更縈念似水年華徒自檢翦燈誰語壓牀誰臥  
和月臨虛檻

吳

樟

字章木  
吳江人

滿江紅

用岳忠武韻弔湯貞愍公殉難江甯

緩帶輕裘記江左風流未歇痛此際石頭城陷捐軀何

烈千載長流湘浦水一心耿照秦淮月歎蒼黃鶴唳與  
風聲傷懷切瘡痍憤何時雪櫓槍燄何時滅賸詩吟  
絕命唾壺敲缺孝女節堅貞抱石文孫創巨腥飛血恁  
數奇三代錄褒忠來金闕

鍾

景

字嵩生海甯人  
諸生有紅蕪詞

南鄉子

燈暈露珠凝寶枕紗幮冷似冰一夜梧桐枝上雨聲聲  
偏是愁人聽得清隱約碧窗明倦眼朦朧睡欲成分  
付東風須著意輕輕簾外防他鐵馬驚

清平樂

雨疏寒淺一樹棠梨晚啼煞杜鵑春不管驚起玉樓人  
倦 杏花紅徧前村綠窗明日清明多少零香斷絮隨  
風飛作春魂

解佩令

題唐人小說後

杏花風定桃花風緊又匆匆楝花風近繡徧琅函偏惹  
起一襟幽恨怎能禁惜春成病 佳人薄命才人薄倖  
儘傷心難將天問我本工愁重惜取千秋紅粉把平生  
淚珠飄盡

西子妝

窗掩蟬紗鑪銷鳳篆冷落蒨裊時候情根種了滿愁城



只年年徧生紅豆懷人病酒總不許春來不瘦曉寒新  
悵薄陰連日苔封鴛鴦憑闌久雨碎烟零芳事闌珊  
又羅襟曾與拭啼痕到如今餘香還有錦鞋賦就已容  
易懽悰孤負暗沈吟昨夜雙魚去否

百字令

秣陵女子余泉姑明末人才貌豔一時戚某委禽不遂妒女締姻他族構讒鱗女女齋恨墜井死寶坻高寄泉孝廉遇之乩壇傳其始末繪像徵題用陳允平體

月輪孤寂伴幽情夜夜碧海青天陰翳酸蛩啼不了淒  
音如訴當年珠任教沈環何妨斷羸得璧能全三生重  
證美人烈女神仙空有翠暈鏐冰春痕幻影哀怨總  
難滿玉樹臙脂羞比恨故山都付荒烟瑤夢蒼涼秋心

宛轉鉛淚浣鸞箋虛壇霜冷我來重薦寒泉

齊天樂

蟬

翠陰漠漠涼於水依稀數聲清磬古樹荒堤西風廢苑  
訴徧興亡舊恨烟疎雨冷更葉抱難安枝棲不定悄曳  
殘絃柳邊飛度夕陽影淒淒哀怨泣露有深愁萬疊  
都付纖梗記否前生空餘遺蛻寂寞都無人間易凋雙  
鬢又幾許閒情催教暑盡玉柱調來綠窗驚夢醒

沁園春

睡

瓊液生時珠玉迷離隨風遠颺記石華濃染誰能似姊  
茜絨爛嚼慣解調郎紺影同腴瑤塵比細誤濺晶屏最

不防銷魂處是翠盃替得纖口承將 春黏紅漬檳榔  
宛寒沁靈芸淚幾行笑叩頻犀齒芳津徐咽含來雞舌  
銀沫添香痕自乾無餘能拾否悄語低詢倚繡牀如脣  
齧有如飴俊味未許輕嘗

又 寒冬吐氣有若白虹詞家鮮詠及者戲填此解

似有還無一縷吹來飄飄欲仙訝猩脣纔啟暖霏檀麝  
犀筒未吸清吐椒蘭弄筆得人牽衣絮語真似相隨雲  
霧邊薰籠倚誤金鑪初熱篆裊龍涎 菱花昏處堪嫌  
莫輕喚颺風對鏡簌笑團殘峰雪徐呵纖手凍成銀粟  
代熨芳肩枕畔氤氲燈前隱約難倩仇英妙筆傳低聲

問問卿卿小字合是非烟

周元豹

字雅威  
陽湖人

一叢花

俞芝恬以弄猿婦畫幅索題爲倚是解

冶春士女走香車門草各爭誇誰憐慣作江湖客卻  
同路柳牆花步易生塵眉猶歛黛怨不訴琵琶頻年  
踪跡等搏沙容易送韶華殘盃冷炙淒涼甚其哀猿老  
向天涯鸞鏡常拋鴛衾不暖到處且爲家

汪惠生

字子共休  
甯人諸生

清平樂

盈階落葉又是秋時節百感叢生休細說鍊得寸心如

鐵聲聲雁陣驚寒誰憐客子衣單賸有一琴橫月還將古調重彈

蔣敦復

字純甫號劍人寶山人諸生亂後棄家爲僧法名妙喜繼反初服有芬陀利室詞

蝶戀花

眉月一絲如我冷瘦到難描怕見青鸞鏡倦又不眠眠又醒慊慊只道三分病彈指流光知暗省拈取心香偷祝花長命簾低小魂飄不定峭風吹過紅無影

浣溪紗

手捲珠簾上翠櫺涼蟾微映畫羅屏並肩私語拜雙星薄有秋痕花露白淡無燈影藥鑪青夜深人去酒初

醒

浪淘沙

涼夜夢迢迢燈影孤飄秋心都付與芭蕉又是一枝梧  
葉下特地魂銷 前事憶紅橋聲咽瓊簫盡中人送鏡  
中潮腸斷去年江北淚流到今宵

水龍吟

秋夜感舊

可憐宵夢無成酒醒空倚秋燈語江湖十載年光一昔  
燕鴻來去帽影圍青衫痕翦碧峭寒聽雨甚水流花謝  
人間天上儘難著銷魂處 縱使魂銷未盡問潘郎鬢  
絲何許如今又況飄零不似少年意緒怨極愁多無情

有思幾回遲暮記寶釵樓上黃昏小病黯天涯路

百字令

空齋坐雨百感侵人顧澹園填詞見永軌爲繼聲

最難禁受是落花時節一聲聲雨費盡傷春閑氣力多  
謝啼鵲辛苦酒薄侵愁燈寒壓夢長日如年度無情草  
碧天涯妨我延伫記得前事關心又小樓昨夜東風  
如虎禪榻蕭條敲短鬢不是雙鬟妙舞破寺吹簫中年  
抱病更有何人妒黃昏幾陣沉沉簾影吹暮

高陽臺

題丁田生西湖春感詞後卽用其韻玉田拳拳故國屢見乎詞集中多題水仙之作此與趙子固同意以寓其涯海之思亦可悲已

樹老冬青天連水碧金牛湖上停船去國王孫看春不

似當年西冷老去笙歌夢比前番人瘦誰憐更蕭然布  
襪青鞋獨弔荒煙 天涯萬里無家別聽一聲河滿滿  
目山川敗柳棲鴉傷心落照堤邊零花淡墨無多意望  
瑤波帝子空眠掩重簾夜夜枝頭泣損啼鵲

西子妝

偕孫月坡遊益山四松庵

著屐尋詩拖筇入畫雁外一天秋思螺峰疊疊悄生愁  
古牆陰亂蟲聲起涼波影裏有幾點疎花搖曳問西風  
甚今年瘦得垂楊如此 高樓外巖桂青時招隱人歸  
未枯瓢只合挂松關笑閒雲又飛塵世吟懷料理好攜  
手鷗盟鷺契下斜陽衣上空山冷翠



換巢鸞鳳 憶遠用梅溪韻

月媚風嬌正人歸翠榭夢渡藍橋跨鸞歡倚玉倒鳳誤  
吹簫春情都付與纖腰沈郎帶圍和煙也銷待他日教  
細認燭花偷照 愁悄思渺渺團扇未涼時在郎懷抱  
不恨天涯水遙山遠只恨無端芳草草自青青徧天涯  
可憐人向天涯老單衾寒恹沈沈蓮漏催曉

春霽 柳影用草窗體

眉樣誰描祇一水盈盈淺黛無色慘綠關河病紅池館  
天涯盡換愁碧斜陽巷陌絮雲飛過空陳迹記那日聲  
轉嫩鶯低卷畫橋側 文窗四面綺閣三層冷冷清清

做成蕭瑟峭東風。絨腰罷舞菱花羞。傍翠顰泣一把鬢  
絲收。未得玉關干。可憐和夢和煙斷。腸金縷更無消  
息。

露華

苔痕用玉田體

玉階豔冷記翠亭一角石瘦空青。相思不見更無人處  
潛行閒繞。碧蘿荒磴。冒蒼煙夕照。猶凝愁細。碎蛸涎砌  
斷蛸粉牆。傾寂寂朱門深鎖。歎繡澁瓊甃。鴛瓦霜棱  
遙岑又阻。寸心莫負芳盟。黏袖石華紺唾。暈花磚殘淚  
紅冰尋舊迹。昨宵鳳鞋露零。

探春慢

素月流煙寒燈颭雪春愁今夜如水中酒衫青吹簫淚  
碧黯盡江湖情味誰會相思苦甚獨抱淒涼琴尾倦來  
剛倚羅衾子規啼近窗紙因念紅閨翠袖自瘦損眉  
痕妝髻慵理小鏡蟾心空房犀膽爲問梅花開未早又  
黃昏也便好夢商量無計漫繡蘭囊鴛針和恨挑起

二郎神

和徐幹臣韻

繡簾捲起悄不見夕陽紅影但幾樹垂楊幾重芳草幾  
點梨花雨冷長日懨懨愁時節怕又是玉人多病想瘦  
減黛眉斜攏鴉鬢倦臨妝鏡重省覺來一枕餘香銷  
凝子細囑東風杏梁雙燕幽夢休教喚醒陌上翠鈿曲

中羅帕過了少年芳景須記得早早歸來昨夜鳳簫聲  
靜

### 紅娘子

雞犬仙家住可惜劉郎去長恁年年春三二月亂紅無  
主早知人薄倖似東風肯輕隨飛絮芳意和誰語好  
夢渾難據天上人間無情煙水斷腸塵土怕黃昏滴碎  
女兒魂更瀟瀟暮雨

### 隔簾聽

十二繡屏深窈翠篆餘香裊開簾怕見春光好祇嫁了  
桃花和春也老夢乍悄怪黃鸝一聲聲攪紅樓小東

風偏到不管傷春早天涯處處生芳草問藐姑荒塚碧  
愁多少漫凝眺江南綠波煙渺

玉漏遲

殘月和孫月坡

瘦蛾描不盡黃昏過也畫簾低暈已是團團忍撇半邊  
清韻幾度青天碧海早換了姮娥霜鬢銀漢隱沈沈漏  
點燭花初燼問他十五華年只幾日慊慊便成消損  
一角紅牆賸有獨眠人恨憐取纖纖舊樣怕又負瓊樓  
芳訊圓未近待教玉容重認